

MIRELVA CACIANO

Mimi manera tur hende ta yam'é ta un mama soltera ku dos yu i un nietu. Un señora alegre, gusta ta den bon ambiente, i for di chikí ta gusta baila i skirbi kantika. E la yega di presentá den hubentut na marcha.



Deporte ku e ta gusta i tabata praktiká ta vòlibòl. Despues di a kaba Mavo, Mimi a volg kantoopleiding, LO Boekhouden, kurso di EHBO, kosé, i último Antilliaans belastingrecht.

Ku su 19 aña e la bai tene trabou na Interconti N.V. pa un señora ku mester a duna lus. Na e señora su regreso nan a tuma Mimi permanente na trabou. Despues ku Interconti a sera Mimi a traha ku un aña di kontrakt. Dje e tabata kose. Na 1988 e la bai traha na Isa Sales. Na 1992 te aktual Mimi ta trahando pa Impexo N.V. na 2008 Mimi a habri su "Administratie kantoor".

Mimi tabata den diferente organisashon. Padvinderij, direktiva di Volly Gents, den direktiva di Drag Race, Road Runners Club. Tur ta trabounan boluntario, kual e tabata kumpli ku tur, asta temporada di su embarasonan. Na aña 1978 trahando na Interconti/Prospero Baiz un kolega komèr di dje a aserk'é pa e por a bai traha boluntario na Buurtcentrum Groot Kwartier. E no ta por a bai, e la pida su ruman Poppy pa bai. Einan Poppy a sera konosí ku defuntu señor Robby Griffith ku tabata dosente na Peter Stuyvesant. Defuntu Robby a pidi Poppy i ruman Juliana ku tabata huntu ku Poppy den Fundashon Gogorobi pa yuda ku kareda. Defuntu Robby mes ta bin buska nan i trese nan kas bek. Despues di un dos aña nan ta mester di mas boluntario, Poppy a pidi Mimi pa bai yuda. Tempunan hopi dushi.

Nos mester tabata un ora promé na kareda, pa chek in e koredónan. Ranka tag na Finish, i parti medalia/ "lintjes". Último añanan nos te registrá e koredónan, manhá e badgernan pa registrá ki ora e

koredónan drenta/ranka tag i parti bon di konsumo. Tin biaha ta val in tambe pa parti sòpi i konsumo.

Despues ku Poppy a bai biba i traha na Aruba, Joyce ku ta ruman di Mimi tambe a bin yuda. Despues tambe Sharlena y Mishèna ku ta yu di Mimi.

Ántes tur reunion di direktiva di Road Runners boluntarionan tambe ta wòrdu invitá, pa duna remarkenan ku tin, ora tin kareda. Dor ku e koredónan semper ta akudí serka nos pa reklamo etc.

Ántes na kareda na Barbara Beach Mc Donald tabata bin einan pa traha hamburger i cheese burger. Na 1987 ku Mimi tabata na estado di Mishèna nan ta duné tres hamburger.

Mimi a konosé señor Hendrikse, defuntu dr. Snijder, señor Druiventak, señor Claes. Defuntu señor Cerilio Maduro. Señor Claes su esposa tambe ta yuda parti konsumo. Nan tabata hari ora ku señor Claes kaba kore, paso semper e ta haña doló di chanchan.

Tur fin aña ku Road Runners Club hasi fiesta pa su miembronan tur boluntario tambe ta wòrdu invitá.

Ora bo hasi aña nan ta manda flor òf un karchi pa felisitá bo. Bo duna Lus tambe nan ta pone atenshon.

Miéntas añanan ta bai nos komo Mimi y su cru a haña e nòmber "Angels" ku nan ta apresιά masha.

Karedanan ku Mimi no ta gusta tabata e kareda ku tabata sali for di Fatum (despues a bira e famoso Fatumloop) bai kaba na Mambo Beach parti pafó. Despues ku e a bira fatumloop ku Mambo Beach a keda kla, e kareda ta kaba paden. E kareda ei nobo nobo ta tin un mucha

hòmber di 17 aña a yega final i fayesé. Un señor di Aruba i defuntu Cerilio Maduro tambe a hera di fayesé.

Mimi tabata pasa hopi prèt na e karedanan. Ta tin kareda (Amstelloop ku ta kuminsá na Peter Stuyvesant i bai kaba na Amstel, kaminda Mimi su mama defuntu tabata di biahe, Mimi tabata bini ku su yu den wig i kana bai Amstel.

Awendia Mimi ta haña hopi eng ora e tin di sali for di su kas pa bai kareda. Na un kareda di mitar máratòn, Sharlena a pasa buska Mimi pa bai yuda. Banda di Post 5 un outo ku un par kabayero a dal den e outo i push'e den vangrail. Danki na Dios ku nèt e momento ei tabata bini e van di Polis ku tambe ta bai kareda, ku nan a skapa. Mimi a bai kareda ku e polis nan i Sharlena a keda te ora polis a kaba di duna keho, despues e la bai kareda. Nan a keda spantá.

For di dia ku gobièrnu a pone ku kada empresa ku spònser, pero na final di aña si nan no tin ganashi, e no ta aftrekbaar, hopi empresa no tabata spònser fásil mas.

Rekuerdo di karedanan di RRCK Mimi tin hopi.

Mimi a yuda te ku òktober 2019, ku e la bai Hulanda ku fakansi, pero ora Mimi a bini bek na mart tabata den periodo di covid ku no ta tin kareda mas.

Mimi ta deseá RRCK hopi éksito pa den futuro. I si ainda e ta den e kondishon di lanta tempran, lo e bin yuda.